

CANTIC

EN ENNOR

D'an Itron Varia Creac'higuel.

1

Salud deoc'h Mari, Rouanez
Eus an env hag an douar !
Salud deoc'h Mam a drugarez,
A greis calon ni lavar :

Diskan.

Itron Varia Creac'higuel,
Clevit mouez ho pugale :
Hed hor bue, ô Mam santel,
Hon diouallit noz ha de.

2

Choaset a bep eternite
Da veza mam da Jesus,
Roet hoc'h da vam deomp ive,
C'houi hon rento oll eürus.

3

Lec'hioù santel a zo merquet
Da henori ar Verc'hez,
Hi a scuil varnomp bepret
Tenzorieu he madelez.

4

Chapel Creac'higuel zo brudet
Dre ar burzudou dispar,
A ra ar Verc'hez beniguët
En kenver an hep he c'har.

5

Evit dont betec Creac'higuel,
Pelerinet gant guir feiz
Da bedi ar Verc'hes Santel
A dreuz pevar c'horn a Vreiz.

6

A leiz an henchou ho gueler
O herruout a bell bras,
En eur bedi daoust d'ho skuisder
Daoubleguët var ho fenn bas.

7

Evidomp-ni, oll Bretonned,
A lavar a vouez huel :
Kent evit mancout d'ho caret
Ni ve guell ganeomp mervel.

8

Dirag hoc'h imach benniguët
En Creac'higuel ni bedo,
Pa vemp tentet pe glac'haret
Gant fizianz ni a gano :

9

Pedit evidomp, Mam Doue,
Digant Jesus goulennet
Ma saveteimp hon ene,
O kenderc'hel d'ho karet.

• *Fin*